

**U P U T S T V O
O POLAGANJU PRIJEMNOG ISPITA ZA KANDIDATE KOJI SU SE PRIJAVILI NA
KONKURS ZA UPIS STUDENATA U I GODINU PRVOG CIKLUSA STUDIJA NA
TEHNOLOŠKOM FAKULTETU UNIVERZITETA U TUZLI U AKADEMSKOJ
2018/2019. GODINI**

1. Prije početka polaganja prijemnog ispita kandidati će se putem oglasne ploče i WEB stranice Fakulteta informisati o mjestu (prostoriji) u kojoj će polagati prijemni ispit.
2. Kandidati trebaju doći na mjesto određeno za polaganje prijemnog ispita najmanje 15 minuta ranije. Kandidat koji zakasni na prijemni ispit neće moći pristupiti polaganju prijemnog ispita i eliminiše se iz procedura prijema na Univerzitet.

Izuzetno, kandidat koji iz naročito opravdanih razloga kao što su: smrt bližeg člana porodice, iznenadna teška bolest i bolničko liječenje ne pristupi polaganju prijemnog ispita, dužan je najkasnije narednog dana podnijeti zahtjev Komisiji za realizaciju Konkursa Tehnološkog fakulteta za omogućavanje naknadnog polaganja prijemnog ispita, uz pružanje dokaza o spriječenosti polaganja prijemnog ispita, na dan utvrđen Konkursom. Odluku po zahtjevu kandidata Komisija Fakulteta donosi narednog dana, sa bližim uputama, ukoliko se zahtjevu udovolji.

3. Prijemnom ispitu može pristupiti kandidat čija je prijava na Konkurs potpuna i blagovremena.
4. **Identifikacija kandidata vrši se ličnim dokumentom** kao što je: lična karta, pasoš ili vozačka dozvola. Strani državljani identifikuju se pasošem. Kandidat koji ne priloži odgovarajući identifikacijski dokument ne može pristupiti prijemnom ispitu.

Prijemni ispit kandidat polaže pod šifrom imena i prezimena koja se pečati u posebnoj koverti.

Nakon identifikacije svi kandidati koji su pristupili prijemnom ispitu dužni su postupati po uputi ovlaštenog člana Komisije za dežurstvo tokom prijemnog ispita u pogledu redoslijeda radnji koje će obavljati tokom ispita.

1. Prijemni ispit na studijskim programima Hemijsko inženjerstvo i tehnologije, Prehrambena tehnologija i Inženjerstvo zaštite okoline je iz predmeta **HEMIJA** i sastoji se od **20 pitanja** od kojih svako nosi po **dva (2) boda**. Kandidati su dužni tačno odgovoriti na pitanje, te zaokružiti tačno rješenje. Samo na taj način kandidat će ostvariti **40 bodova** po svakom od pitanja. Ukupni rezultat sa prijemnog ispita vrjednuje se sa maksimalno 40 bodova.
2. Prijemni ispit, na studijskom programu Agronomija je iz predmeta **HEMIJA** i **BIOLOGIJA** i sastoje se od po **10 pitanja** od kojih svako nosi po **dva (2) boda**. Kandidati su dužni tačno odgovoriti na pitanje, te zaokružiti tačno

rješenje. Samo na taj način kandidat će ostvariti **40 bodova** po svakom od pitanja. Ukupni rezultat sa prijemnog ispita vrjednuje se sa maksimalno 40 bodova.

Prijemni ispit se obavezno radi nebrisivom hemijskom olovkom plave boje. **Na prijemnom ispitu zabranjeno je unošenje elektronskih pomagala (kalkulatora, mobitela), kao ni pisanih materijala.**

Kandidat koji se ne bude pridržavao Uputstva datog u prethodnom stavu će biti udaljen sa prijemnog ispita.

Ukoliko se odgovor na pitanje daje po sistemu zaokruživanja, svaki drugi oblik označavanja (precrtavanje, podvlačenje, dopisivanje i sl.) smatraće se netačnim odgovorom.

Prijemni ispit radi se **90 minuta**.

Komisija za provođenje dežurstva na prijemnom ispitu, prilikom predaje testa Komisiji za svakog kandidata će obezbijediti jedan primjerak fotokopije njegovog testa koju će fotokopirati na prazan list na koji je prethodno u gornjem desnom uglu otisnut pečat studentske službe Fakulteta. Neposredno ispod originalnog pečata fakulteta potpise će staviti kandidat i predsjednik ili član Komisije za dežurstvo.

Kandidat će original testa u prisustvu člana Komisije, zajedno sa malom kovertom u kojoj je identifikacijski listić, zapakovati u veliku kovertu koju Komisija zadržava za potrebe dalje procedure.

U slučaju podnošenja prigovora, kandidat je dužan sa sobom ponijeti fotokopiju testa koju će dati na uvid Komisiji za žalbe.

OSIM ODGOVORA NA POSTAVLJENO PITANJE, NA TESTU JE ZABRANJENO STAVLJATI BILO KAKVE ZNAKOVE, A POTPISIVANJE VLASTITOG IMENA DOZVOLJENO JE ISKLJUČIVO NA IDENTIFIKACIJSKOM LISTIĆU KOJI SE PAKUJE U POSEBNU KOVERTU. U SUPROTNOM TEST ĆE BITI PROGLAŠEN NEVAŽEĆIM I ISTI SE NEĆE UVRSTITI U RANG LISTU.